

長蘆鹽法志

長蘆鹽法志卷四

天章二

高宗純皇帝御製詩

御舟墨寶

桃源耕者存古風。千畝合作衆力攻。彼此借助相通融。不勞長  
官頻課農。鳴鑼呼召羣。來從閭閻親睦和。氣濃渡河經川舟。可  
通閭隄策騎欣。初逢兩浙三吳迴憶中。山容水態春翹紅。不無  
寄興吟題重。未若茲者愜予衷。不知有漢敦龐崇。泉明記豈徒  
鑒空。寰宇如是信大公。垂裳南面正己恭。但思民欲難強同。力

田任恤俗化隆。爲爾更切祈年豐。桃源耕耨一首。辛未清

和月上澣。御筆。

直幅。灑金碧箋本。

重二

惟精精一。

乾隆

清明最喜是清明。韶秀昆陵緩轡行。紅杏都含宿雨潤。綠楊不  
動曉風輕。紙鷁竹馬兒童戲。鳩杖鶯衣父老迎。水市吹簫那成  
曲。人家遙識賣新饒。丁丑清明一律。御筆。

直幅。藏金紙本。  
重二。乾隆御筆。

摘藻爲春。

東西南北四湖通。謝傳遺休擬召公。我適乘舟經澤國。修防宣  
蓄慮河窮。邵伯湖作。丁丑仲春月。御筆。

直幅。灑金黃紙本。  
重二。乾隆

視河將欲至徐城。五日姑蘇便啟行。浙省萬民齊望幸。吳川一

宿且兼程。設緣翫景生留戀。豈是因心凜旦明。老幼不須攀載道。迴途當爲小停旌。丁丑仲春曉發蘇州作。御筆。直幅。灑金碧紙本。

璽二。乾隆宸翰。惟精惟一。

北地花朝花未開。吟詩惟以寄清懷。南國花朝花已放。漾舟觸目饒新賞。未開盼開趣有餘。已放惜放翻躊躕。世間萬事率如斯。旁觀生羨當局迷。柔紅嫩紫爾莫喜。已有紛紛付流水。花朝放歌一首。丁丑仲春月望日。御筆。直幅。灑金藍紙本。璽二。所寶惟賢。乾隆御筆。

輕舟曉日別吳門。川路溪烟漾晏溫。柳葉青籠雞犬社。菜花黃

入苧蘿村。分疆頓覺民風異。轉壑都關吾意存。恩沛寧無需再  
沛。疇咨大吏悉心論。丁丑仲春入浙江境作御筆。直幅。灑金

璽二。乾。隆。

金閭三日略延留。鳳艚平明啟蹕郵。惠澤重期清入聽。靈巖迴  
望翠凝眸。豈無餘意民情戀。更有殷憂河務籌。况復秣陵亟後  
我。便當減從一爲遊。蘇州啟蹕作。丁丑暮春月御筆。直幅。灑金

黃紙本。璽二。乾。隆。

運河之水東南流。催漕風向西北遞。風水胡迺太相選。造物節  
宣有妙意。順水行舟南者欣。順風揚帆北者遂。是謂天地之大

公往來無不資利濟順風復希順水人不知足矣聽斯議。運

河行

丁丑暮春月御筆

直幅。灑金黃紙本。

璽二。

所寶惟

兩日陰晴大霧爲雨舟行致遲數刻里許一時風作順風揚帆  
數里片刻此樂不凡往屈來信屈信相感精義入神不出近覽  
桅席飽挂更當迅斯黃頭弗可厥有理解一往趁勢未恐難收  
萬事如此寧惟行舟咄哉至言足以啟子執藝以諫不啻曰俞  
雜言一首 壬午仲春月御筆

直幅。灑金淺紅紙本。璽二  
得象外意。乾隆宸翰。

清黃漚後清常弱此號清江意寓深咨爾建牙督河者體予保  
障卹民心春巡問俗欣猶昔水驛行程數自今安福艫中梅一

采江南消息遞侵尋。清江浦一首 壬午仲春月御筆

直幅 灑金

淺紅蠟箋本。 璽二。 乾隆。

過河逢麥色寒暖北南殊。因憶尤敦喜。入詩兼可圖。未成風擺  
浪。已自露貫珠。賴此青黃接。絕勝看綠蕪。麥色一律 壬午

仲春中澣御筆。

直幅。灑金淺紅紙本。 璽二。 乾隆。

覆孟城北艤行舟。玉勒城中歷覽周。建置詎惟圖目觀。養生要  
欲悉心求。下河獨斷幸無滂。連歲羣稱歌有秋。馬首拜恩亦奚

藉。哺孩寧復望其酬。過高郵州作。乙酉仲春中澣御筆。

直幅。

灑金米色紙本。 璽二。 所寶惟賢。 乾隆御筆。

昨日東南風。舟行誠覺遲。今日東北風。舟行迅似馳。檣竿可張帆。邪許喜榜師。須臾風力足。越馳乃如飛。大船中流若無事。小船前行數里計。瞥眼大船已及之。勑勑小船欲迴避。迴避不能將。壓臨憑覽獨覺驚。吾心大小不倫勢。若此可恃爲君莫。吾比雜言一首。乙酉仲春月中澣御筆。直幅灑金米色紙本。重二。惟精惟一。乾隆。

南邦四度度花朝。每度花朝景物撩。北地豈無二月望。女夷應是夢中消。未見花開不免希。既開轉覺惜芳菲。試看玉簇錦叢裏。已有嬌香幾片飛。苑枯誰所又誰能。祇有無生是上乘。



却憶去年潭柘寺。悟拈花處得相應。花朝三首 乙酉仲春

月中澣御筆。直幅。瀉金米色紙本。 璽二。 乾隆。

江郊宜雨更宜晴。麗景迎曦嫩暖生。催漕東南風豈礙。漲添順

水送舟輕。東南風旋轉西南。藉卜開晴有俗談。雲散日輪光

尚淡。入波疑是玉蟾涵。柳態蕪姿入畫情。隄梅又放兩三英。

似傳鄧尉催人意。却爲觀民不趨程。晴三首 乙酉仲春月

中澣御筆。直幅。瀉金米色紙本。 璽二。 所寶惟賢。 乾隆御

印事弗拘題。所遇皆可詠。夜雨曉漸稀。朝風午欲定。當其風雨

時。黃頭心固恠。農父順帆舟。亦豈無欣慶。事蓋艱雨全美。還忌

太盛詎惟所見然吾擬通爲政。卽事一首 乙酉仲春月中

泮御筆。

直幅。灑金米色紙本。

璽二。

惟精惟一。

乾隆宸翰。

市邏諸石壩所以洩狂瀾洩之水猶盛增置東西灣亦謂悉心謀其如多來源洪澤過五壩厥勢誠滔天詎此所能救坐看潦下田因謀抽薪計拆壩清口宜爲之定尺寸寬窄相衡權年來守此策洪澤洩漲前。

天恩更未潑五壩無漏泉車邏常封土下河有收連歷覽爲額慶。

吾言中偶然。而此詎敢矜。惟益勵惕乾。車邏壩作。乙酉仲

春月中泮御筆。

直幅。灑金米色紙本。

璽二。

乾隆宸翰。

落

大船張帆如箭急。小船爬沙苦弗及。以篙鉤挽大船尾。攜小船  
行巧注挹。大船人怨遲已行。小船人樂省力勅。中才者不中才  
養故人樂有賢父兄。一射生挈十鈍手。國有舊語亦知否。舟  
行雜興一首。乙酉春閏上泚御筆。直幅。灑金米色紙本。聖  
所寶惟賢。乾隆御

霽景麗天杠。水程發畫舫。清晨別茂苑。已刻過吳江。迎送民情

驚。郊圻春色樅明將。入浙境時邁亦子邦。蘇州啟蹕一首。

乙酉春閏上泚御筆。直幅。灑金米色紙本。聖二。乾隆。

一川不異舟。兩省頓分郵。風俗漸因別。桑麻較更稠。春晴真是

暢三載忽如流。祇覺民情切惠鮮。可忘謀入浙江境作。乙

酉春閏上澣御筆。

直幅。灑金藍紙本。

璽二。

乾。

隆。

武林門外候蘭船。旬日盤桓合命旋。指數流陰迅稔冉。情知勝  
處戒畱連。江工塘壩籌悉定。民事農桑期恐愆。勤爾農桑須盡  
力。莫更依戀蹕途邊。杭州啟蹕作。乙酉春閏中澣御筆。直幅。

灑金藍紙本。

璽二。

乾。

隆。

水風啞啞拍舟鳴。吹散吳雲喜快晴。夾岸菜花與桑葉。宜陽總  
覺愜予情。鳩已無聲鵲已鳴。所希繼此浹旬晴。農夫織婦歡  
迎蹕。補我同斯悅霽情。喜晴二首。乙酉春閏月下澣御筆。

直幅。灑金藍紙本。 重二。 所寶惟賢。 乾隆御筆。

纔方盪槩返南湖興託湖樓烟雨圖。入夜霏霏却頻霽。滿川點  
滴乍平鋪。問誰司化真奇矣。適善循名若此乎。適可宜晴多未  
可。恐妨織婦與耕夫。 夜雨一律。 乙酉春閏月下澣御筆。直幅

灑金藍紙本。 重二。 乾。 隆。

翠華五日駐蘇城。適可平明返蹕旌。展義兼應臨白下。省耕要  
欲趁春晴。攀留親意過尊意。觀察民生卽我生。却是尋常無戀  
者。不能無戀此輿情。 蘇州啟蹕作。 乙酉春閏月下澣御筆。  
直幅。灑金藍紙本。 重二。 乾。 隆。

南巡往返路胥經。古郡因教兩日停。三月烟花雖入畫。那消春水合揚舲。民情到處皆親愛。我意無時忘撫寧。最喜雲消輝旭影。宜陽夾岸麥葱青。維揚旋暉作。乙酉暮春月既望。御筆。

直幅。灑金藍紙本。

璽二。

所寶惟賢。

乾隆御筆。

大船動移艱。小船轉旋利。以之受重載。始知遠不逮。大船進每遲。小船行常疾。順風揚廣帆。落後乃如失。香象不似狡兔便。其勝負歇若祁連。蟻子爬沙終日走。弗及封駘一步遷。君子小人別乎此。不取目前可言理。雜言一首。乙酉暮春月中澣。御筆。

直幅。灑金藍紙本。

璽二。

惟精惟一。

乾隆宸翰。

辛未過桃源高斌奏曾記云此地耕者猶能存古制鳴鑼合羣  
力相與勤種穡不獨其言然隄旁呈覽試此實任卹風因之紀  
五字丁丑及壬午兩度經斯地未逢向所見茲用諮大吏則稱  
行實難而且無其事斌豈欺子者蓋受人欺蔽觀過可知仁重  
吟誌詳細。桃源耕者一首。乙酉暮春月下澣御筆。直幅。灑  
金藍紙。

本。璽二。惟精惟一。乾隆宸翰。

北方春雨霑惟是去年好今年如去年此慶逢誠少南方自澤  
國憂過不憂小卽今數日晴始幸麥可保仍繼江以南馳問資  
參考到處虛農功稼穡斯惟寶行將歷齊燕良苗閱沿道然詎

敢心紆。而成尚猶早。復聞京師得雨。乙酉暮春月下澣。御

筆

直幅。灑金米色紙本。

璽二。

惟精惟一。

乾隆宸翰。

圖欲瀉微湖尾閘大疏治。韓莊閘迤西。伊河就下利。其餘彭潘口。均自荆橋出。前年率剔鬻魚金多涸地。卽今過伊河入運。實暢遂。然上源來少。濟臨水虞匱。顧漕慮棄農。農顧防漕棄。籌政所以難。兩全益艱致。過伊河入運口作。乙酉暮春月下澣。御筆。直幅。灑金米色紙本。璽二。所寶惟賢。乾隆御筆。

去時遊陸返乘舟。一水殊分徐魯郵。是日晴光明翠柳。前旬雨澤渥來牟。北河漕務心勤度。西郡民風目始謀。濟運籌農胥要



計戒更張亦廬詳求。舟行入山東境作。乙酉暮春月下澣

御筆。

直幅。灑金米色紙本。

璽二。

惟精惟一。

乾隆宸翰。

御艦安福早來迎。一宿明當啟水程。瞥眼兩年渾似昨。快心春  
雨此初晴。長篇短什依然閱。越水吳山幾度評。勝景那更常介  
意。未能忘者是民情。題安福艦一律。丁亥仲春下澣御筆。

直幅。灑金黃箋本。

璽二。

惟精惟一。

乾隆宸翰。

前年跋馬過橋頭。路指江鄉却猶遠。今朝進艇自橋下。景肖江  
鄉翻似近。迺知近遠曷有常。廣惠顧名思政本。兩岸老幼夾通  
津。盡誠非飾胥來親。遵道干譽則奚可。亦曰如子視斯民。斯來

趙北又如新。過去江南已成故。須彌大地水中擎。何處非丹堪  
契悟。御舟過廣惠橋作。丁亥仲春下泮。御筆。

所寶惟賢。乾隆御筆。

直幅。灑金黃箋本。璽二。

舟行七十二清河。一一微名卽免訛。西受諸川東注海。平成大  
計畏心多。沾水千秋孰考源。或淤爲陸或河存。北南分合卽  
無異。古派安詢酈道元。掘鯉飛沙水已空。滄桑語豈涉虛蒙。  
一時畫艦多清暇。練賦因思左太冲。遶去金來自侮鄰。金湯  
壞祇在逡巡。空傳愛國何承矩。潛水圖因阻北人。扁鵲醫王  
豈白醫。而今隄畔剩叢祠。知微却乏知人術。陰計李醯竟中之。

西淀流爲東淀池。淤泥種植各圖私。夏秋潦或艱容受。此在

長官善理治。淀池舟行雜詠。丁亥仲春之月。下泮御筆。直幅。

灑金黃箋本。 璽二。 乾。 隆。

上巳舟中過。良辰信未孤。不須杯棊飲。寧作水嬉娛。岸綠烟橫

柳。汀黃浪起鳬。山陰王內史。景趣底相殊。上巳一律。丁亥

暮春之初。御筆。直幅。灑金黃箋本。 璽二。 乾。 隆。

西風舟逆西。東風舟逆東。榜人例守此。謂之搶上風。及之過橋

洞。并格反不通。天下本無事。擾之因人庸。矯枉過正者。何不用

其中。搶風一首。丁亥暮春之初。御筆。直幅。灑金黃箋本。 璽二。 乾。 隆。

一片蘆汀緯道無。兩行艇纜拽平湖。黃頭省事誠嘻矣。紅帽偏勞亦念乎。欸乃聲中過懈舍。蜿蜒勢裏擬龍鬚。御舟博人堪承重。行處原資衆力扶。水緯一律。丁亥暮春之初。御筆。直幅。麗金。

黃箋本。

璽二。

惟精惟一。

乾隆宸翰。

風順舟行速。行營莅淀濱。今朝仍水宿。明日至天津。蜨蒙羣飛暖。芷蒲爭刺春。午過餘暇久。問政惕逡巡。水營一律。丁亥暮春之初。御筆。直幅。麗金。黃箋本。

宸翰。

璽二。

惟精惟一。

乾隆

西沽三水匯流處。南北運河清貫中。徒恃隄防寧有是。要當善導俾宣通。郡城清曉返巡鑾。迤邐西沽策馬觀。行過烟村大

隄接御舟早已候河干。西沽二首。丁亥暮春上澣御筆。直幅。

灑金黃箋本。璽二。惟精惟一。乾隆宸翰。

東壁升春月。遙望輪微小。初湧白水面。漸飛綠樹杪。誰知尚團鏡。翻入澄瀛皎。波碎質如故。漣動光隨瀉。應物而不染。於焉恆懷抱。月一首。庚寅暮春月既望御筆。直幅。灑金淺紅紙本。璽二。乾隆。

順流兼順風。到營未日中。不必登陸岸。居然似渚宮。寢興原宿

昔。天水接長空。隄畔尤宜望。青青春麥茸。水營作。庚寅暮

春月既望御筆。直幅。灑金淺紅紙本。璽二。乾隆。

輿梁接通衢。徹板御舟過。江國殊石橋。聳駕垂虹臥。南北實異

宜利在因民作。子曰惠不費其義所包大。過廣惠橋。庚寅

暮春中澣御筆。直幅。灑金淺紅紙本。璽二。乾。隆。

順風一刻行十里。逆風一里行十刻。大舟載重轉旋艱。小舟載  
輕轉旋亟。雖有鎡基不如待時。嗇夫謀謀釋之鄙其。乘流揚帆  
豈不好。忌盛持重君子道。雜言一首。庚寅暮春月中澣御  
筆。直幅。灑金淺紅紙本。璽二。乾。隆。

日日來瞻夾路民。數逾億萬總相親。觀餘復爲廬深慮。都是資  
衣資食人。日日一首。庚寅暮春中澣御筆。直幅。灑金淺紅  
紙本。璽二。

乾隆宸翰。惟精惟一。

麥色鋪田綠且芃。幸茲窪地潤霑叢。觀來此固紆盼雨。念到他  
原懼作風。絕勝畫圖欣看活。未成餅餌敢言豐。春雲時歇復時  
散。無那翹瞻卜度中。麥色一律。庚寅暮春中澣御筆。直幅。金

淺紅絹本。 璽二。 乾隆宸翰。 惟精惟一。

筐兒港迤北。流沙數處淺。春月水致艱。大舟滯動轉。故用就深  
處。避淺三程展。人知淺之害。未知淺之善。是河無盾壩。流沙爲  
之限。設非此停蓄。一往水存鮮。通漕賴乎茲。一弊一利顯。卽  
事一首。辛卯仲春月上澣御筆。直幅。灑金藍紙本。 璽二。 所寶惟賢。 乾隆御筆。  
驅車過離奴。廣甸甚沮洳。去歲夏行潦。此地被災遽。永定旣決

隄北運亦漫淤。大田普無收。曷以卒歲度。是用賑濟施。更勸  
宣布。今來細體察。老幼歡夾路。庶幾免流離。未見仍座慮。秋麥  
亦已苗。禾黍云種布。設以此地論。懼雨宜晴煦。雖然彼高田。寧  
無望雨處。過武清縣作。辛卯仲春月上澣御筆。直幅。灑金  
藍紙本。

璽二。所寶惟賢。乾隆御筆。

仲月逮上弦。川夕奏澄景。舟艤潏潏間。人疑廣寒境。閃波斷却  
連。晶光峭猶冷。御園豈不泛。無過湖山等。片時卽歸棹。清夜那  
伴永。淦淦宛相親。朗朗斯益靜。眠遲亦何妨。恰合宵衣省。月  
一首。辛卯仲春月上澣御筆。橫幅。黃絹本。璽二。乾隆宸  
翰。惟精惟一。



昨日溯游今溯洄。北南通漕意佳哉。黃衣莫怨行舟慢。指日順流由此迴。  
靜海道中雜詠之一。辛卯仲春上澣御筆。

村居比櫛頗寧盈。柳口由來古渡名。不見青青楊柳色。阿誰折贈寄遙情。  
靜海道中雜詠之二。辛卯仲春上澣御筆。

當城沙砦遞經過。宋畏遼金防涉河。似此屯兵嚴守禦。爾時百姓竟如何。  
靜海道中雜詠之三。辛卯仲春上澣御筆。

遇君封國兩無涉。西陝東齊詎此哉。誌乘不知何所據。太公乃有釣魚臺。  
靜海道中雜詠之四。辛卯仲春上澣御筆。

迤邐三窪綠蓄水。及逢霖雨潦原行。救民自古乏長策。盡力補

偏要以誠。靜海道中雜詠之五。辛卯仲春上澣御筆。

行程原是指東南。舟首時還西北。深河勢不由人意。定制宜因地有名談。靜海道中雜詠之六。辛卯仲春上澣御筆。

岸旁曳絳走河兵。船上鳴鑼催絳行。省已力因彼成事。萬般都可悉人情。靜海道中雜詠之七。辛卯仲春上澣御筆。

銀牌齋賜老年翁。夾岸歡呼拜下風。禁止無端相攘致。施恩教亦寓其中。靜海道中雜詠之八。辛卯仲春上澣御筆。

應心八幅

直幅。素絹本。二。乾。隆。

地勢北而南。春月孟以仲。均爲漸就暖。況值晴陽烘。水風渾不

寒。淑景宛堪弄。柳隄綠向新。杏隄紅欲重。細霏卒已換。豐毛都  
弗用。日日鷁首坐。爲便覲光猷。舉趾斯時哉。莫誤勤耕種。暖

一首。

辛卯仲春月中澣御筆。

橫幅。黃絹本。輪。惟精惟一。

璽二。乾隆宸

何代經過回道人。千鍾滄酒醉河濱。洞庭渤海豈殊地。古往今  
來不異春。却笑重儷此奚必。欲求一實亦無因。幾行鴈字飛鳴  
過。鶴駕然歎向孰詢。過朗吟樓題句。辛卯仲春中澣御筆。

橫幅。灑金黃紙本。

璽二。

乾隆宸翰。

惟精惟一。

休助古所云。懷保今所勉。昨歲此地災。賑賙期均徧。巡方茲目  
覩。幸追溝壑轉。然未經見多。加惠詎宜緩。兩府界壤連。受沴若

弗淺三州及八縣舊欠概與免武清獨無欠豈不向隅歎獨供  
十之五用以旌良善麥收倘得豐庶少濟屯蹇是惟賴

天恩非吾力能辦。命免天津府及順天府所屬積欠詩以紀事

辛卯仲春月中澣御筆

橫幅。灑金黃紙本。筆。摘藻爲春。

璽二。乾隆御

虛亭若翼枕河濱舊蹟蘆臺紀創新句純陸游真作者詩題張  
斛定何人。邗稱考古志書博祇愛觀光民意親却是黃頭善持  
重收帆催緯弗名循。過哨帆亭戲題。辛卯仲春中澣御筆。

橫幅。灑金黃紙本。

璽二。

所寶惟賢。

乾隆御筆。

艤舟策馬過長蘆爲便民瞻近暉途轡後鞭前任隨走老扶幼

長江集卷之六  
摯盡歡呼似忘去歲逢災彼更廬中宵憫瘼吾庶矣富之猶未  
得教之一字易言乎。策馬過滄州城作。辛卯仲春月中澣  
御筆。橫幅。灑金淺黃紙本。聖二。乾隆宸翰。惟精惟一。

既云減水閘非宜興濟將仍例視之審勘更教同眾議諸凡毋  
必詎惟斯。閱捷地減水閘四首之一。辛卯仲春中澣御筆。  
衛河漲欲減其盈歧口引流入渤海此地由來稱便捷豈因避  
字浪更名。閱捷地減水閘四首之二。辛卯仲春中澣御筆。  
捷地相連興濟閘總圖一再減洪波猶然去歲潦章武蒿目民  
艱竟若何。閱捷地減水閘四首之三。辛卯仲春中澣御筆。

往返無過數武移亭軒備憩信何爲竟當弗願登舟去俾悉吾  
心不在茲。閱捷地減水閘四首之四。辛卯仲春中澣御筆。

行舟有賴櫓催梢棹且弗施櫓更拋那得微吟和嘔啞旁觀袖

手古曾嘲。

櫓

行舟四詠之一。辛卯仲春中澣御筆。

周旋規中折旋矩操縱由來在舵工首領持篙都占却那論元  
氣與微風。

舵

行舟四詠之二。辛卯仲春中澣御筆。

川途宛轉風作息總覺收帆不肯張安得順風且直路平平讓  
爾走中央。

帆

行舟四詠之三。辛卯仲春中澣御筆。

前艇鳴鑼後艇應鈎鈎催絳速前行。河兵肩弊足還趨黃帽安

然到水營。

行舟四詠之四。

辛卯仲春中澣御筆。

應心八幅直幅

素絹本。

璽二。乾。隆。

麥色南來日日添。平鋪夾岸入吟拈。青黃待接五月熟。老幼偏迎萬姓瞻。蹂躪明看真可惜。禁訶又礙概從嚴。民情農計均吾要。衡量誠難兩得兼。麥色一律。辛卯仲春中澣御筆。

橫幅。麗金。

淺紅絹本。

璽二。乾隆宸翰。

惟精惟一。

一水溯洄不易船。送迎兩地盡疆連。所欣親愛來老幼。略厭繁華事管絃。山左輿情五年隔。江南衆望片時牽。省耕展義吾惟切。行有絲綸沛惠鮮。入山東境作。辛卯仲春中澣御筆。

橫幅。

灑金黃紙本。 聖二。 所寶惟賢。 乾隆御筆。

御舟早候運河濱。陸路行餘水路循。一日之間遇李杜。千秋以  
上接精神。麥苗夾岸穗將作。柳葉籠陰絮已頻。最是蓬牕心愜  
處。雨晴綠野出耕人。 濟寧登舟作。 辛卯暮春上澣御筆。橫  
灑金黃紙本。 聖二。 乾。 隆。

本因禮

聖來祝

慈亦要事。上水行舟難。下水行舟易。是用先  
岱廟。



闕里翻爲次。雖曰各盡誠。恐滋後人議。今朝過南旺。水順復風利。計程七十里。未午已云至。船廳更餘暇。搗懷吟五字。搗懷

一首。

辛卯暮春中泚御筆。

橫幅。瀝金黃紙本。

重二。

乾。

安福艫來候碧潯。津瀛程啟撰良今。隔年入室如昨日。逝水行舟悟迅陰。蓋節中亭將歷攬。端寮蟹舍盡供吟。新題舊句各殊致。總寫勤民一片心。登安福艫作。癸巳暮春月上泚御筆。

直幅。藕色蠟箋本。

重二。

乾。

隆。

無非有事豈徒行。詎爲春和玩景明。鷹嘴鹿瞳策隄務。魚庵蝸舍驗民情。過清明節柳葉吐。種沮洳田麥穎萌。隰不覺乾原逮

覺已因望雨意怍怍。卽事一律。癸巳暮春月中澣。御筆。直

藕色蠟箋本。 璽二。 乾。 隆。

漸遠村莊水面寬。水營因以構河干。嫌他行館修而飾。愛此居  
鱸福且安。帆落春風靜。玉浦。腮憑望月漾金瀾。扈舟高下檣燈  
列。竟作南巡一例觀。御水營作。癸巳暮春月望日。御筆。直

藕色蠟箋本。 璽二。 乾。 隆。

停鑾三日此揚舲。行館迴看柳墅青。閱武掄文舉次第。直沽場  
淀悉情形。獨憐民戀就。瞻切常奉

慈歡億萬齡。兩岸麥苗方勃長。爲因望雨意無寧。天津迴鑾之

作。癸巳暮春月中澣御筆。直幅。藕色蠟箋本。璽二。乾。

啟行已覺細霏絲。駐蹕仍欣嘉霽披。誰識季春纔朔值。又逢好雨與舟隨。郊原應渥五寸澤。時節未乖十日期。霽野海雲布以遍。北南佳信此徯之。喜雨一律。丙申暮春月朔日御筆。橫幅。鈎金粉紅蠟箋本。璽二。所寶惟賢。乾隆御筆。

上巳臨川路。誰循被稷靈。風光真駘蕩。草木正薰馨。水碓有聲。畫麥疇無際。青排當供。

懿賞成事不教停。

丙申上巳日作御筆。

橫幅。鈎金素蠟箋本。璽二。惟精惟一。

乾

隆宸翰

雜卉雖多鮮入詩。卷筒丁亥憶圖姿。今年春暖盆梅謝。例江

南託遠思。

右憶梅

舟中雜興之一。丙申暮春之初御筆。

璽

乾隆

東墅西村綠與連。一條白水劃長川。無端春雨開生面。如薺真

形見老顛。

右詠柳

舟中雜興之二。丙申暮春之初御筆。

璽

乾隆

南方新到雨前茶。畫舫竹鑪本一家。恰是梁溪煙艇泛。擎甌得

句定無差。

右烹茶

舟中雜興之三。丙申暮春之初御筆。

璽

乾隆

文牀斐几得閒多。習字非關爲換鵝。却笑右軍清逸者。何稱筆

陣弄干戈。

右習字。

舟中雜興之四。

丙申暮春之初。御筆。

二。璽

乾。

隆。

以上應心四幅。直幅。灑金黃蠟箋本。

平舒難溯古。置縣始明昌。城郭行舟過。士民迎岸旁。下風任瞻仰。冒雨惜衣裳。卽此尊親意。施恩可愬忘。過靜海作。丙申

暮春月上澣。御筆。

璽二。

乾。

隆。

古縣河千枕。青青柳向城。萬民孳益庶。百室數猶盈。總藉衣食養。安能粟帛贏。憐他瞻就切。幾里步隨行。過青縣作。丙申

暮春月上澣。御筆。

璽二。

乾。

隆。

蓬窗零入夜時密復時疎春月希斯矣優霑有是歟溟濛思接  
上。晝聽紛如。陸路隨行眾。能無歎挽輿。夜雨一律。丙申

暮春月上澣御筆。

璽二。乾。隆。

五更雨漸止。傍曙遂開晴。旣以慰農念。還因利旅行。順風指金  
雀。曉日掛銅鉦。諸務都休美。一心戒滿盈。曉晴一律。丙申

暮春月上澣御筆。

璽二。乾。隆。以上胞心四幅。直幅。灑  
金素蠟箋本。

易牓茲爲壩。議因辛卯行。脊猶出水尺。漲乃洩川平。北固晏津  
郡。東虞滌灤氓。一興利一弊。要度重和輕。閱興濟牓作。丙

申暮春上澣御筆。

橫幅。灑金黃蠟箋本。璽二。惟精惟一。

甘涼西北氣尤寒。二月雪應同雨觀。帶積並融盈尺透。翻犁撫耒數州寬。甫經望澤欣被澤。遙幸民歡切已歡。卽恐此心涉盈滿。爲君難識信爲難。陝甘總督勒爾謹奏報得雪詩以誌事。

丙申暮春月上澣御筆

橫幅。灑金青蠟箋本。惟精惟一。乾隆宸翰。

聖二。惟精

捷地原爲減水牐。而今易壩議僉同。去高拓窄豫以洩。疏咽除淤恒有工。無礙漕艘來往度。那忘巡蹕測量中。沿隄黔首漫言謝。尙慮茅簷或因窮。閱捷地壩作。丙申暮春上澣御筆。

灑金黃蠟箋本。

聖二。惟精惟一。

乾隆宸翰。

郵置今朝傳奏筒。雨露三寸報羣工。一時被澤北南異。十日爲

期南北同。普渥春耕。真是瑞禾。臻秋穰敢言豐。洗兵利穡叨

天貺。遇幸何修。益勅躬。聞京師得雨誌慰。丙申暮春上澣御

筆。橫幅。灑金青蠟箋本。璽二。惟精惟一。乾隆宸翰。

祝

壽獻功禮畢過流陰宛轉入清和。易舟北上希膏切。夾岸青看結

穗多。人曰無妨未謹我。麥虞有失更廬禾。期逾五日柏十日。對

此農民愧若何。丙申四月朔日作御筆。橫幅。鈎金素蠟箋本。璽二。所寶惟賢。

乾隆御筆。

麥穗芄芃色亦滋。近河受潤故如斯。隔隄高處必黃萎。顧邇忘



遐吾不爲。麥穗一首。丙申清和月御筆。

橫幅。鈎金粉紅蠟箋本。璽二。

精惟一。乾隆宸翰。

彌月甘膏已覺稽。晚來雲重雨淒淒。通宵喜聽波聲霑。詰曉纔看霽色霽。何處非民非赤子。卽今惠我惠青齊。京畿一帶復霑否。驛駭膽章此佇俟。舟中夜雨一律。丙申孟夏上澣御筆。

橫幅。鈎金粉紅蠟箋本。璽二。所寶惟賢。乾隆御筆。

八十里遙溯運川。渚營到以午時前。已乘巽二催漕籟。更值裴家下水船。足艤宿舟斯合矣。却張居室謂多焉。偶聞雖欲試摘藻。摘藻卽爲心恧然。渚營一律。丙申孟夏上澣御筆。

橫幅。鈎金。

碧蠟箋本

卷一

所寶惟賢

乾隆御筆

順風行舟。豈不甚美。前來舟斯爲阻矣。阻者意無美者心喜。

喜者感風。無者怨已。吳二蓬蓬。感怨付彼。達此應物。謂之窮理。

雜言一首。

丙申孟夏月上澣御筆

橫幅鈎金碧蠟箋本

乾

隆宸翰

開封得雨早稱優。合省茲陳被澤周。結穗正滋二麥潤。吐苗更

卜大田休。原皆廿四廿五霈。何獨於齊於魯收。覽奏惟慙以爲

慰。望雲旦晚冀恩流。

河南巡撫徐績奏報得雨詩以誌事。

丙申孟夏上澣御筆

橫幅鈎金粉紅蠟箋本

所寶惟賢

徹夜雲濃聚。凌晨雨細霏。聽聲時作止。閱勢祇淩微。徒益煙波景。那蘇渴壤希。弗曾成寸澤。已見放斜暉。潤罕廛民望。誠輕咎已非。或云宜麥熟。疑信未深依。微雨六韻。丙申孟夏上澣御筆。橫幅。鈎金素蠟箋本。三。所寶惟賢。乾隆御筆。

自我入齊境。佳麥觀菁葱。苗秀秀將實。翠浪翻芃芃。而何往返間。少雨偏多風。寸澤何嗟及。眼看欲失豐。逮得而奪之。誰不惜以忭。因思消息間。理固鮮恒通。通塞互轉旋。此理原堪窮。祝釐告武成。歲禮都從容。凡事忌太順。先憂那辭躬。躬弗辭先憂。惟

是問良農。

遣悶一首。

丙申孟夏月上澣御筆。

橫幅。鈎金素蠟箋本。

二。所寶惟賢。 乾隆御筆。

曉晴開御舫。蓄目景全殊。遠郭籠烟片。近田蔚露珠。麥欣烘穗  
實。黍看吐苗濡。意謂菁葱者。予心其爾蘇。 曉晴一律。 丙申

孟夏上澣御筆。

橫幅。鈎金粉紅蠟箋本。

璽二。所寶惟賢。

北來觀二麥。雖覺略勝南。然亦需膏澤。爲之希雨露。三月朔雨  
後。數寸縱頻。較齊固少差。究非優渥酣。乃知弗渴待。率出慰  
我談。秋麥實菁葱。冬雪胎裏沾。春麥則矮黃。根弗深。莖尖適日  
屢生雲。雲生風妬兼。芒種逮熟時。迫冀嘉霽甘。恐虛前所望。益  
增中心慙。 北來一首。 丙申孟夏月中澣御筆。

橫幅。鈎金碧蠟箋本。

二。所寶惟賢。乾隆御筆。

去時過此雨優霑。彌月還饒半月添。望澤至今日以甚。終風播土夏滋炎。已殷麥穗待飽粒。更慮禾苗欲萎尖。夾路農民胥鞠。膳相看惟有忸怩兼。過靜海縣一律。丙申孟夏中澣。御筆。

橫幅。鉤金碧蠟箋本。

璽二。

所寶惟賢。

乾隆御筆。

昨望南雲重。心期雨庶幾。曉涼知澤被。輕點惜膏稀。却報三寸。逮益慙此處。非得無飾慰我。實亦所霑微。山東巡撫楊景素。

報雨。因成什。

丙申孟夏中澣。御筆。

橫幅。鉤金碧蠟箋本。

璽二。所寶惟賢。乾隆御筆。

筆。

槳棹櫂惟櫓力大御舟却未見催稍榜人慣有因人智已逸他

勞那顧嘲

右櫓。

行舟四詠之一。丙申清和中澣御筆。

璽

乾隆。

一舟之令全資舵操縱東西莫不從我亦因而悟爲政設無定

見鮮功庸。

右舵。

行舟四詠之二。丙申清和中澣御筆。

璽

乾隆。

催漕欣看五兩順半張弗受飽風屯黃頭雖曰慎厥事可識其

間至理存。

右帆。

行舟四詠之三。丙申清和中澣御筆。

璽

乾隆。

河兵兩岸引龍鬚。事體大資衆力扶。詎止憑觀切深喻。集思廣益在斯乎。右緯。行舟四詠之四。丙申清和中澣御筆。二。聖

乾隆。以上胞心四幅。直幅。瀝金素蠟箋本。

午雲時聚散。入夜遂夢絲。聽徹五更永。想當二寸滋。再霧方愜望。恐霽益殷思。曉起波烟重。繼茲霈庶其。夜雨一律。丙申

清和下澣御題。橫幅。鈎金粉紅蠟箋本。聖二。惟精惟一。

安福御艫溯海河。夾隄十里備笙歌。迫因希澤方愁已。一任排當嬾聽他。昨日微零仍卽止。今晨畧蔚又旋過。農民祇盼銀牌喜。未識其心苦若何。天津起程迴鑾之作。丙申清和月下

澣御筆

橫幅。鈎金粉紅蠟箋本。

璽二。

惟精惟一。

乾隆宸

開船衝浩渺。夾岸望迷離。疎密時相間。渥優今允施。麥收庶少

救。禾長正深滋。彌月憂惟釋。登秋稔更期。復雨一律。丙申

清和下澣御筆

橫幅。鈎金粉紅蠟箋本。

璽二。

惟精惟一。

御舟小泊射陽城。登岸還教策馬行。翠蓋錦於微儀衛。風鞍露

冕浹民情。絃歌那聽八音奏。婦子稍欣百室盈。甲午邇思災甚

劇。今來額慶爾更生。過淮安城作。庚子仲春月御筆

橫幅。鈎金

淺紅蠟箋本。

璽二。

惟精惟一。

乾隆宸翰。

南關迤邐接車邏。封土下河受益多。戊戌洪湖經異漲。預防思



患早開姓權其輕重誠無奈那免閭閻被薦瘥惟冀儀封合龍

速不資霸滅永嗟峨閱霸一津庚子仲春月御筆橫幅鈎金黃蠟

箋本 璽二 惟精惟一 乾隆宸翰

御舫先來候水涯陸營行到水營披篷窗舫室於斯始楚尾吳

頭達自茲卽景拈吟熟以慣迴溪轉岸靜而移曰安曰福非蘄

已願與吾民普共之御安福艦作庚子仲春月御筆橫幅鈎金

淺紅蠟箋本 璽二 惟精惟一 乾隆宸翰

未敢稱功就先期達喜音金門溜已斷竹箭落猶深腰漏誠無

礙脚停亦漸沈黃流將到浦歲事庶幾今阿桂奏報將合龍

形勢詩以誌慰。

庚子仲春月御筆。

橫幅。鈎金黃蠟箋本。聖二。惟精惟一。乾隆宸

翰。

北地春霖最艱致。却聞三寸被優霽。較於南國勢猶霈。知是東

郊潤更添。無礙興犁布禾種。有欣徧隴蔚薶尖。燕齊遞得佳音

報。那免殷殷望蜀兼。聞京師得雨誌喜。庚子仲春上澣御

筆。

橫幅。鈎金粉紅蠟箋本。聖二。惟精惟一。乾隆宸翰。

傍岸艤蘭舸。度衢攬玉韁。民情益親切。土俗驗周詳。舊號平安

漢。新稱寶應唐。若論予夙志。惟是祝綏穰。過寶應縣一律。

庚子仲春中澣御筆。

橫幅。鈎金黃蠟箋本。聖二。惟精惟一。乾隆宸翰。

南方東南風。卽雨亦必晴。其或西北風。卽晴定雨零。北方乃反是。此故試一評。南南北北間。氣求聲或應。風爲氣之屬。風近雨遠。征風遠雨自近。至理無須驚。格物得真解。神運體天行。東

南風一首。庚子仲春中澣。御筆。

橫幅。鈎金黃蠟箋本。

惟精惟一。乾隆宸翰。

黑鳥乃白項。時於湖岸看。伊犁亦云有。聞之語非謾。南北相去萬餘里。而合物類似合券。其間北地如塞上。於燕齊同誰曾見。物物格之實難通。紫陽於此其奚辯。燕丹仰天竟有之。莫怪馬遷好奇幻。聞見一首。庚子仲春中澣。御筆。

橫幅。鈎金黃蠟箋本。

惟精惟一。

乾隆宸翰。

高郵昔水鄉。五壩減水受。自定清口誌。封土五壩守。下河連歲收。蓋藏比戶有。戊戌黃河決。水向洪澤走。尾大恐弗掉。預減吝可否。因爲之以漸。未大災田畝。已亥亦如斯。倖矣邀。

天偶。茲來觀閭閻。頗覺相安阜。然而憂民心。益甚以口久。過高

郵州作。

庚子仲春中澣御筆。

橫幅。鈎金黃蠟箋本。惟精惟一。乾隆宸翰。

璽二。

清曉正慮河。恐復有更變。卓午接奏章。徐州黃水見。川流六尺餘。歸故道機現。阿桂何未報。疑信猶參半。佇待合龍信。吾憂或少間。新調河東總河李奉翰奏報黃流已至徐州詩以誌慰。

庚子仲春中澣御筆。

橫幅。鈎金黃蠟箋本。惟精惟一。乾隆宸翰。

璽二。

惟精惟

京師得雨念齊燕。豫近因之報到先。同是仲春初四五。均霑二麥益芊眠。無妨郊外穀種佈。自合街頭糧價平。更喜儀封合龍近。爲民額手慶忻然。河南巡撫榮柱奏報得雨詩以誌慰。

庚子仲春中澣御筆

橫幅。鈎金黃蠟箋本。

璽一。惟精惟一。

順風下水舟行速。廿里如同十里行。却聞海上順風舟。片刻能兼百里程。吾謂斯速亦足矣。何須詡彼洪濤驚。大凡物理忌太盛。

天道福謙而禍盈。順風一首。甲辰仲春御筆。

橫幅。鈎金黃蠟箋本。璽一。

古稀天子之寶。猶日孜孜。

渡御輕輿駐水營。明當安福啟行程。吳江浙海胥塵意。問俗觀風敢懈情。柴戟扼津慎守禦。閭閻撲地計寧盈。陶莊改後黃逾遠。此日清江果是清。清江浦作。甲辰仲春御筆。橫幅鈎金黃蠟箋本。

璽二。古稀天子之寶。猶日孜孜。

陸路行來在水程。清江安福候川營。宵衣旰食仍斯勗。蘇阜浙湖不盡情。夏諺豫遊要爲度。義經民我共觀生。古稀欲去陳言處。每自船牕瞥眼呈。御安福艫。甲辰仲春御筆。橫幅鈎金黃蠟箋本。

璽二。古稀天子之寶。猶日孜孜。

清浦開舟行不遠。郡城埤堦見淮安。輕輿露冕任瞻觀。膝下無

殊赤子歡。過淮安城一首。甲辰仲春御筆。橫幅。鉤金黃蠟箋本。璽二。

古稀天子之寶。猶日孜孜。

上元獲寶縣名改。其實已難定假真。便使果真為瑞應。牝雞可得救司晨。過寶應縣詠事一首。甲辰仲春御筆。橫幅。鉤金黃蠟箋本。

璽二。古稀天子之寶。猶日孜孜。

古邑嚴城稱覆孟。覆孟之義可思乎。以云射物堪嗤彼。若擬安邦實切吾。老幼喜看圍蹕路。香燈何必滿通衢。四隅近水真澤國。百室求寧慎永圖。過高郵州。甲辰仲春下浣御筆。橫幅。鉤金黃蠟箋本。璽二。古稀天子之寶。猶日孜孜。

南關及車邏計洩洪湖漲清口定誌後封土恒一樣惟值戊戌  
潦無已爲一放然先屢頒諭閭閻道漂蕩早田幸復收賑借並  
行貺豈能免向隅迴思切惆悵閩南關車邏壩甲辰仲春  
下澣御筆

橫幅鈎金黃蠟箋本日孜孜

聖二

古稀天子之寶

猶

月之廿一及廿二屢見春陰復屢霽北望雲容更較重意殷澤  
需望雨地此間雨弗雨皆可齊豫京畿所希冀今朝乃接劉峩  
奏卽廿一二雨雪霏雖未深透潤三寸自於春耕資益利齊豫  
二省却未奏爲之顒顒切廬意四海一家萬民子何處弗願綏  
豐暨願多因之愁亦多尋思故應愁豈避直隸總督劉峩奏



報得雨詩以誌事。甲辰仲春下泮御筆。

橫幅。鈎金黃蠟箋本。璽二。古稀天子。

之寶。猶日孜孜。

上已無須修禊爲。惠風河路畫圖披。蒸看過午一川暖。釀作濃雲四野垂。入夜連纖欹枕聽。間時作止打船遲。江鄉雨弗雨。胥可北省遙祈渥澤滋。夜雨一首。甲辰暮春之初御筆。

直幅。鈎金。

黃蠟箋本。璽二。古稀天子之寶。猶日孜孜。

庚子駐此心不怡。嫌其侈費意躑躅。茲來實爲仍舊貫。花則花而木則木。駐營咨政有餘暇。偶涉趣成歸舫宿。侈費者本意營私。後亦廉知刑以督。然而用彼誰之過。至今自咎猶忸怩。甲

辰季春駐浙江水營。疊庚子詩韻御筆。

直幅。鈎金黃蠟箋本。疊二。古稀天子之寶。

猶日孜孜。

夜雨打船牕。恰值清夢醒。入耳適宜聽。披衾不覺冷。卽南已增

潤。憶北牽懷永。須臾聲漸稀。無眠亦耿耿。夜雨一首。甲辰

季春月中澣御筆。

直幅。鈎金黃蠟箋本。疊二。古稀天子之寶。猶日孜孜。

夜雨曉漸止。午雲復霽零。急飄迷絳岸。密點打篷船。梅片連飛

白。麥苗滋蔚青。迎鑾憐萬姓。冒濕走無停。雨一首。甲辰季

春中澣御筆。

直幅。鈎金黃蠟箋本。疊二。古稀天子之寶。猶日孜孜。

入疆民隱切。諏咨積欠概將寬免之。並未逢災謝

天佑更常完賦慶農時。所當嘉也。其風善。寧可靳哉。我惠施。十以  
免三正供。追幸茲同樂世雍熙。降旨寬免浙江杭嘉湖三府。

正供十分之三。詩以誌事。

甲辰季春月中澣御筆。

直幅。鈎金黃蠟箋本。

願二。古稀天子之寶。猶日孜孜。

水村處處重農桑。橋李誰知古戰場。越蹟吳顛胥往事。遠帆烟

雨望茫茫。

橋李城。

茶禪數典自三過。長老烹茶事咏哦。文士豪吟

殊不少。麝香何獨萃東坡。

三過堂。

太守因之寓郡城。金陀坊裏尙

存名五經萃室珍遺帙。疑此宅中鉸板行。

岳珂故宅。

橋李文人數子

京闈收遺蹟。欲充楹。雲烟散似飄天籟。明史憐他獨掛名。

天籟閣。

嘉興道中詠古四首

甲辰季春御筆

橫幅。鈎金素蠟箋本。重二。古稀天子

之寶。猶日孜孜。

海塘躬閱此來巡。迎送河邊兩省臣。疆有其分臨益切。民無不  
愛見尤親。春雲尙覺籠午日。宿雨已看清路塵。麥欲滋膏蠶欲  
齏。兩全艱矣豈能均。入浙江境作。甲辰季春中泠御筆。直

鈎金黃蠟箋本。

重二。

古稀天子之寶。

猶日孜孜。

廿三四五雨霑渥。江浙連疆澤被均。雖覺遙南濕誠接。惟因憶  
北望仍頻。登盤餅餌麥期稔。浸隴秧苗稻利新。夏長秋收時尙  
遠。言當戒滿意猶諄。江南總督薩載續報得雨詩以誌慰。

甲辰季春月之下澣御筆。

聖二。

古稀天子之寶

猶日孜

江國晴後熱。語傳農諺詳。亦如北地秋。一雨一番涼。霽暘蒸水

氣。非炎暖異常。季春似仲夏。欲換袷衣裳。麥苗乍吐穗。菜花鋪

地黃。潤薰桑葉肥。蠶事卒已忙。對時協民工。不覺川路長。熱

一首 甲辰季春月下澣御筆。

聖二。

古稀天子之寶

猶

夜雨隔牕聞。打篷亂點紛。優於澤何礙。知是熱之薰。行漏聽長

短。潤郊計寸分。因希北省遍。遠繾近斯欣。夜雨一律。甲辰

季春月下澣御筆。

聖二。

古稀天子之寶

猶日孜

七日西湖暢豫情。平明啟蹕度杭城。大凡勝處祛留戀。乃可道

心契一精冬麥抽苗含宿雨春桑發葉烘新晴亟應歸矣俾民

暇其悞斯邦蠶與耕

杭州啟蹕迴鑾之作

甲辰季春月下

牋御筆

璽二

古稀天子之寶

猶日孜孜

以上臆心四

幅直幅鈎金素蠟箋本

舟過無錫弗艤岸去時策馬已觀民茲來露冕坐閭閻夾岸跪

觀無萬人因思皆貧衣食者自當物貴生計貧幸遇有收尚可

活水旱那無飢溺頻以是祈歲廛宵旰大吏並飭諱災諄展義

時邁政因此我豈山水徒遊巡舟過無錫城作

甲辰閏三

月之朔日御筆

橫幅鈎金素蠟箋本

璽二

古稀天子之寶

猶日孜孜

久繾山東雨澤稀郵章披暑慰宵衣淄川七寸實深透歷下卅

分惜欠微。通省雖霑未普渥。七言爲詠尙殷希。未知畿輔延及否。佳信佇從驛遞飛。山東巡撫明興奏報得雨詩以誌慰。

甲辰春閏上澣御筆。

橫幅。鈐金碧蠟箋本。之寶。猶日孜孜。

璽二。古稀天子

順風揚布帆。一刻可數里。設其遇逆風。一里數刻矣。一解。大帆得

風多。小帆得風少。事半有倍功。資益理可曉。二解。小船遲先行。大

船速後至。整屋欲避難。泰山壓卵勢。三解。行途欲速到。先發亦人

情。橋洞阻劫選。反遲半日行。四解。欲速則不達。先難而後易。觸目

可會心。足以悟萬事。五解。順風得解五首。甲辰閏三月上澣

御筆。

直幅。鈐金黃蠟箋本。

璽二。古稀天子之寶。

猶日孜

句容道屢經。新港初見爾。壬寅方始事。癸卯成功駛。沙溪拓以  
寬。泥泉濬而泚。別引江漲塗。潮汐波增瀾。和雇民受利。亦非徭  
役起。安福御以行。鏡中風物美。大吏乞港名。便民賜名是。鎮江  
至江寧。陸路弗通水。南方便於舟。艱車及步履。考士並賈客。自  
此舟行矣。若云勤蹕途。吾殊不爲此。便民港紀事作。甲辰

閏春月上澣御筆

直幅。鈎金黃蠟箋本。

重二。

古稀天子之

寶。猶日孜孜。

仲春得雨滋二寸。春閏茲稱深透霑。迤北向南麥將穗。高原下  
隰黍抽尖。較之齊豫澤尤渥。覘以黔黎氣倍恬。屢接邇來佳信  
報。慰祈年望敬增添。山西巡撫農起奏報得雨。詩以誌慰。



甲辰春閏中澣御筆

橫幅。鈎金素蠟箋本。之寶。猶日孜孜。

璽二。古稀天子

三月中曾普被澤。閏春復報雨霑靈。定知麥穗資飽滿。更喜禾苗勃綠青。災後延桺憐鵠面。接欣糜豆救鳩形。漫稱轉歉爲豐幸。西望吾民意未寧。陝西巡撫畢沅續報得雨詩以誌事。

甲辰閏春中澣御筆

橫幅。鈎金素蠟箋本。之寶。猶日孜孜。

璽二。古稀天子

丑年黃北決。洪澤復流微。五壩年連固。下河秋穫肥。未能胥績底。益用慎民依。救弊補偏耳。孜孜救萬幾。過車邏壩作。甲

辰閏春中澣御筆

橫幅。鈎金素蠟箋本。之寶。猶日孜孜。

璽二。古稀天子之

盛京風氣涼。三月方舉趾。近下澣得雨。尙不爲遲爾。其日晉亦

然以寸各屬被自西而至東。迤邐二千里。無不涇澤霑。其零信  
靈矣。乃吾於天竺。致禱之期是。浙省所必應。斯語熟聞耳。近遠  
乃不較。感應迅如此。時膏利農耕。不可無詩紀。盛京將軍永  
瑋奏報得雨詩以誌事。甲辰春閏月下澣。御筆。橫幅。銅金素  
蠟箋本。 二。古稀天子之寶。猶口孜孜。

春仲此度。鑿潤野較齊好。以近清桃界。雨雪已霑早。夏初斯旋  
蹕。未能副望飽。南膏弗及茲。北澤又離杳。舟行乃水路。揚塵猶  
浩浩。陸地自旱乾。綠苗行將槁。切切爲望雨。中心愁如擣。一隅  
有民人。刻豈忘懷保。過宿遷縣。甲辰春閏下澣。御筆。橫幅  
鉤金。

黃蠟箋本 重二。古稀天子之寶。猶日孜孜。

河西二三月。雪澤已滋融。更喜三月雨。數寸霑河東。聞春之上旬。省城澍雨濛。東候暖於西。麥苗綠已芑。大田均可種。糧價平而中。甘省本瘠區。近每春澤逢。或因去食夷。旋轉叨

帡幪。慶蘇溝壑民。益惕宵肝衷。陝甘總督李侍堯奏報甘省雨

雪情形。詩以誌慰。

甲辰春閏月下澣御筆。

橫幅。鈎金黃蠟箋本。重二。古稀

天子之寶。猶日孜孜。

我過沛縣境。不見沛縣城。移城向西北。高處謀久恒。實因壬寅潦。追憶心猶忤。河決青龍岡。一片水鋪平。埤垵爲之湮。老幼爲

之驚嗟嗟我赤子。忍弗謀其生蠲租豈待言。賑飢繼遠情那論  
極次貧踰年周濟墳卽今河雖復。涸地已可耕慮其乏顆粒。借  
種資經營。舊城地本窪移建就高坪。老幼來謝恩。幸少鳩鵲形。  
痛定思事前。憐之慙愧并。過沛縣之作。甲辰清和月。御筆

橫幅鈎金黃蠟箋本。

璽二。

古稀天子之寶。

新日攷

邇日頗覺涼。作陰而弗雨。望雲北尤重。齊豫連京輔。或胥沐恩  
膏。報章却未覩。我自渡河來。川路風颺土。覺旱爲希霖。宵旰心  
常撫。迤南冀農登。迤北廛民苦。祇可半收麥。謾云遍種黍。秀實  
時尙遠。十日期空數。涼一首。甲辰孟夏上浣。御筆。

橫幅鈎金素蠟

箋本。 重二。

古稀天子之寶。

猶日孜孜。

自從辛丑河北決。踊愁爲害無底止。三湖雖未受沙淤。澄利清流盡歸爾。微山湖更居下游。與運連成一片矣。兩岸絳道及廂壩。多半弗見。見惟水。以此亟求疏洩法。不遺餘力。不惜費。微倖。昨年河復故。微湖下流去如駛。舊志蓄水丈二尺。後存丈三多。無幾。因之陸續兩岸露。廂壩次第工興起。本殊民修及官修。亦是從來例如此。災餘民力那能茲。一概發帑官修耳。茲來絳道原如故。安福中行平如砥。却憶丁丑決。孫集積水兩年始消彼。斯乃積多消反速。事在人爲本至理。 運河一首 甲辰清和

上澣御筆。橫幅。鈎金黃蠟箋本。 璽二。古稀天子之寶。猶

江寧旋踵時。北省膏報雨。山陝爲尤渥。其餘種亦普。惟衛輝大名。澤偏靳二府。麥固已失收。僅得耜禾黍。及渡河而北。晴久風掘土。齊境過將畢。所歷千里許。一例爲望霖。雲興風輒阻。可憐新茁茁。欲萎待膏苦。直省及京畿。亦未報嘉霽。繼彼借種民。惻衆念厥楚。卽事一首。甲辰清和中澣御筆。橫幅。鈎金素蠟箋本。 璽二。

古稀天子之寶。猶日孜孜。

山左去年幸稔收。三冬雪澤亦稱優。首春積玉繼以遍。仲月如膏被更周。寸計二三四。霑隴田。祈禾黍。麥盈篝。披章豈不爲之

慰雲作風隨近却愁。山東巡撫長麟奏報得雨詩以誌慰。

戊申仲春月御筆

橫幅鈎金淺紅蠟箋本

璽二

古稀天子

之寶。猶日孜孜。

水路今朝發駕初。臚名安福卽吾廬。愛民一念福之本。克已兩言安以居。歷歲題辭閒裏閱。前途得句便仍書。分明江浙行舟况親切輿情那忘諸。登安福臚作。戊申仲春月御筆

橫幅鈎金

淺紅蠟箋本

璽二

古稀天子之寶

猶日孜孜

水路資風帆。陸路藉簟率。此理固不易。行船人共便。每亦渡江湖。水繆曾未見。淀池乃用之。亦久成習慣。名之曰龍鬚。小舟引以先。大舟坐省力。小舟勞弗憚。是謂圖已逸。那顧他苦怨。尙有

流俗人觀之爲欣羨殊異君子道以已度人願五字申諷喻繫  
矩萬幾勸水緯一首戊申仲春月下澣御筆橫幅鈎金素蠟箋本  
二。古稀天子之寶。猶日孜孜。

石橋接通衢中孔平設板徹板行大舟偶爾非恒典弗似江南  
路石洞垂虹宛舟從洞底過無勞板徹卷南北風俗殊民情順  
用善廣惠久垂名循名實可簡賜賦與蠲租次第絲綸展過  
廣惠橋作戊申仲春下澣御筆橫幅鈎金淺紅蠟箋本  
孜孜  
二。古稀天子之寶。猶日

截漕南糧建北倉軍民胥被。



聖恩長撥船更許新排造。有利於人不厭詳。北倉一首。戊申

季春上澣御筆。

橫幅。鈎金黃蠟箋本。猶日孜孜。

夏二。古稀天子之壽。

奢望古稀望竟酬。

岱宗

闕里禮躬修。康疆八十叨

天貺。安福今朝發御舟。戒滿輦謙勉恒志。吳江浙海憶從頭。幸哉

到處民親愛。博施非難肯靳留。登安福艦之作。庚戌季春

月御筆。

橫幅。鈎金黃蠟箋本。

夏二。

八徵耄念之寶。

自疆

信宿德州駐登舟昔例同。望霖事有似。觀麥惜無窮。五日期仍

迫運朝心益忡。催漕雖利用。願且息微風。登舟一律。庚戌

季春月下浣。御筆。

橫幅。鈎金素。蠟箋本。

蠟二。

八徵耄念之

舟中半月有餘過。陣雨雖逢未。滄茫都道北。猶南地勝。可堪今

似昔年何。敢因經久。視為慣。祇覺當前愁轉多。舊集閒翻圖解

悶。怕觀霑在蹕旋哦。舟中一律。

庚戌清和月。御筆。

橫幅。鈎金。米色。

蠟箋本。

蠟二。

八徵耄念之寶。

自強不息。

龍艦閒置幾經年。巡淀今茲重御筵。安擬寰區奚啻此。福期奕

葉永循前。民為邦本恒殷若。水載舟行近寓焉。暗室明窗都舊

識。是吾得句每斯便。登安福艦作。

甲寅季春月。御筆。

橫幅。鈎金。

米色蠟箋本。

璽二。

八徵耄念之寶。

自彊不息。

御筆寫生盆梅。

璽五。

古希天子。

八徵耄念之寶。

研露。

用筆在心。

筆端造化。

河北盆梅含蓓蕾。河南盆梅三兩開。地氣纔方一水隔。遲速頓

殊如是哉。似爲鄧尉報佳信。恰與安福爲清陪。入牕風度香細

細。舉簾月映色皚皚。是色是香都契妙。小許大許誰評材。何當

寄語昌昌者。轉欲芳華款款來。渡河後盆梅始開。作詩紀事。

復成此小幀。以識船牕清興。壬午仲春。御筆。

直幅宣紙本。璽二。幾暇怡

情。乾隆宸翰。

御筆寫生玉蘭桃花。

璽四。

古希天子。

八徵耄念之寶。

研露。烟雲舒卷。

宿雨未收曉烟輕泮江國春芳有如此者聊爲設色傳神亦不計其工拙否也。壬午暮春蘭陵舟次寫。

璽一。乾隆宸翰。

三朶玉蘭十朶桃蘭陵舟次昔揮毫流陰廿八歲過隙饒汝舟中香色牢。庚戌季春御題。

直幅宣紙本。自疆不息。

璽二。八徵耄念。

### 海河樓墨寶

香林院畔海河樓駐舫憑欄一暢眸慮有夏秋容納苦幸無塘堰築防憂駢闐岸傍扶攜侶來往波中歌舞舟雖獻民歡供

懿賞怡然意共憫然投。

丙申仲春下泮御筆

橫幅鈎金淺紅蠟箋本。

璽二。

乾

隆宸翰。陶治性靈懸海河樓。

崇禱觀

清河入海河。泊岸俯洪波。琳宇開香院。蕭臺矗鬱羅。都緣額安  
宴。豈是豫卷阿。路便申瞻禮。祈民福佑多。香林院瞻禮作。

丙申仲春月下潞御筆。

刻石。

頤二。

所贊惟賢。

乾隆御筆。

崇禱古觀枕津河。一紀春秋此重過。愜意蒙

去聲。

床錫海晏。

月初。據福康安奏。已仰荷。

天床。尚冀南路。並將莊大田亦即犁瘦。以

靖海疆而肅躬瞻禮。額時和貌。予深感。

恩駢疊。

上帝高居示鬱羅。萬物有心。

天皆鑒。

天在人人心中。隨方示象。因難議祠宇之各處多有也。

難拘禮議時祠多。乾隆

戊申仲春月下澣。瞻禮作御筆。

刻石。璽二。猶日夜孜孜。

古稀天子之寶。

旋踵至天津。

崇禎展謁申。東巡蒙

昊貺時雨望心寅。無德慚調燮。有愁塵隔眇。弗聽寬解語。祇覺忤

忤身。日五期誠迫。寸膚靳實頻。責躬虔九叩。尺澤救農民。崇

禎觀展謁六韻。

庚戌清和上澣。御筆。

刻石。璽二。入徵奎念之寶。自強不息。

崇禎真是荷

崇禎。怡憶戊申瞻禮時。一逆已聞解京信。次兇尙籲就俘馳。

天庥頻疊何修遇。心感肝宵勵悚寔。莫不照臨莫不佑。敢同橫議  
謂多祠。甲寅季春月。瞻禮成什。御筆。刻石。璽二。入徵書  
念之寶。自璽不息。

望海寺

南運河邊望海寺。海其遙矣海河然。觀音是佛觀察智。普遍三  
千與大千。李賀詩人具卓見。杯中海水瀉猶然。堂中大士如  
如望道理。那更計百千。題望海寺。一韻二首。丁亥暮春上  
澣。御筆。刻石。璽二。所寶惟賢。乾隆御筆。

波羅梵字碧溪潄。恍是普陀紫竹林。卽色不殊卽空體。海河當  
送海潮音。到來門徑宛相識。悟去慈悲沒處尋。未得無心心合

聚延。

禱祝嘏一真心。

望海寺作。

庚寅暮春中澣。

御筆。

刻石。重二。所寶惟賢。

乾隆御筆。

寺建海河濱。初來自丁亥。去歲再臨茲。轉眼復一載。海去此尙遙。溯河得望海。大士泯分別。如是觀自在。斯行爲巡齊。匪爲津風採。便道成小憩。遂命維舟解。柳墅若有篴。分付迴鑾待。辛

卯仲春月上澣。至望海寺作。

御筆。

刻石。重二。所寶惟賢。

乾隆御筆。

望海祇園臨海河。隔年此復一相過。雖然縛節繁文禁。仍有衢歌巷舞羅。祇以祝



釐合衆志。遂因同惻禮三摩。普門無量慈悲願。願作籌添

曼壽多。

癸巳暮春月既望。御筆。

刻石。隆御筆。

璽二。

所寶惟賢。

乾

臨河側畔建蘭若。望海因之遂得名。大士如如不動念。衆生箇箇仰慈情。聊緣路便駐舟鰲。更趨途長解纜行。柳墅去茲十餘里。置之停蹕待迴程。望海寺作。丙申仲春下澣。御筆。

刻石。璽

一。乾。隆。

十載重言至。心空禮法王。光陰誠速速。相好自堂堂。清晏南和北。紛趨民與商。迴思祝

釐况望海祗茫茫。

戊申仲春瞻禮成什。御筆。

刻石。璽一。

古

日孜孜。

津府近臨海。寺因望海稱。衆誠一念合。永晏萬年徵。攄敬春秋閱。祈安瞻禮仍。崇

恩真豐壘。撫已益兢兢。望海寺作。甲寅季春月。御筆。刻木。

二。八徵耄念之寶。自彊不息。

### 海光寺

像設花宮坐大慈。普陀彼此孰然疑。可知海印發光處。正是如來按指時。題海光寺一首。乾隆丁亥暮春。御筆。刻石。惟精。

惟一。乾隆宸翰。

重鎮海疆守。今來况始過。因之觀素習。可說不揚波。結隊明組練。伸行列鸛鵲。巡方應詰武。行賞意猶多。閱武作。乾隆丁亥暮春上澣御筆。刻石。 璽二。 所寶惟賢。 乾隆宸翰。大士坐堂堂。蓮宮向海光。可知効清晏。總爲利耕桑。肫意禮相好。

洪禧祝

壽康前年與今歲。一瞬祇如常。海光寺作。庚寅暮春。御筆。刻

璽二。 所寶惟賢。 乾隆御筆。

巡方之所重。詰武及修文。昨已試諸士。今應閱衆軍。熊羆分列

隊驚雁聚成羣。原可百年偃。休疎一日勤。酬勞畧行賞。合度亦堪欣。敢曰瀛氛靖。戒安意正殷。閱武一首。戊申仲春下澣。御筆。刻石。璽二。古稀天子之寶。猶日孜孜。

清蹕禮蓮宮。東瀛吐旭紅。萬民恣瞻仰。一意祝和豐。我自勤宵旰。那能悟色空。如來按指處。歷劫海光同。海光寺作。戊申季春。御筆。刻木。璽二。古稀天子之寶。猶日孜孜。

浴佛日應禮祇園。海光梵寺城南有。出城騁望白茫茫。一線長隄水中走。亦因去歲秋潦積。不異今春趙北口。嗟哉吾民被昏墊。賑加一再苦仍受。爲籌減壩豫洩漲。復恐潮灌傷田畝。是則

扞格進退艱。治河善策誠棘手。佛固無心。我有心。和南爲額。甘膏宥。低地弗雨。庶速涸。高地卽雨。旱方救。左之右之。措意難。方寸頃刻。思紛糾。萬民瞻叩。萬乘尊。萬乘尊。難亦知否。海光寺瞻禮。庚戌清和月上澣。御筆。刻木。壘二。八徵耄念之寶。自強不息。海河四十里而長。瀛渤遙光隔渺茫。悟得如來按指處。庶幾了見海之光。海光寺作。乾隆甲寅季春月下澣。御筆。刻石。壘二。八徵耄念之寶。自強不息。

恬佑祠

前度鳴鞭過綺闌。由城經此覲從民。長街小雨惜平弱。

靈廟甘膏額以親。入夏恒風渴已亟。代

天敷澤望猶諄。密雲願卽霈嘉霽。虔叩惟抒一念真。策馬由府

城至海神廟拈香。用近作過天津府城詩韻。丙申孟夏月

中澣御筆。刻石 璽二 惟精惟一 乾隆宸翰。

八旬策馬過城闐。露冕因教悅萬民。幼孺老扶依舊衆。叩瞻躍  
喜較先親。所慚仍是昔年况。致請殷希

神佑諄。虔謁自慚誠不至。臚稱曷

惠鑒誠真。策馬由天津府城至海神廟拈香。疊丙申詩韻。

庚戌清和御筆。刻石 璽二 八徵耄念之寶 自強不息。

海神廟

在大沽口

崇構海河濱初來拜謁伸配

天常亘地濟物卽爲

神紫漈安瀾慶青蓮示法眞

兩朝碑仰讀

意總爲斯民

海神廟瞻禮述事

乾隆丁亥暮春上澣御筆

刻碑

陰

壘二

乾隆宸翰

陶冶性靈

觀海臺

在豐財場

蕩蕩津門瀉大沽滄溟東望尙遙紆清流渾派歸淵極坤括乾

苞充德符。豈似餘杭沙漲藉。况經自古海氛無留都來往糧艘  
運總濟吾民闢坦途。觀海臺觀海作。乾隆丁亥暮春月上  
澣御筆。刻石。

鹽灘碑 在豐財場。

巡方到處塵黎黔。瀛裔民風策馬覘。力穡仍艱登稷黍。資生惟  
是藉魚鹽。蘆田概與均蠲負。沙戶因之期引恬。斥鹵安能變膏  
壤。漢時早說海波漸。瀛裔一律。乾隆丁亥暮春月御筆。刻石。

鹽一。惟精惟一。乾嘉宸翰。



高宗純皇帝恩賞墨刻

長蘆商人恭逢歷次巡幸天津

萬壽慶典千叟宴並恩賞敬錄

止戈成績

聖一

八徵耄念之寶

十全記

昨準廓爾喀歸降。命凱旋班師。詩有十全大武揚之句。蓋引而未發。茲特敘而記之。

夫記者。志也。虞書。朕志先定。乃在心。周禮。春官掌邦國之志。乃在事。旅獒。志以道寧。則兼心與事而言之。然總不出夫道得其道。乃能合於

天以冀承乎

既則予之十全武功。庶幾有契於斯。而可志以記之乎。十功者。平

準噶爾爲二。定回部爲一。掃金川爲二。靖臺灣爲一。降緬甸。安

南。各一。卽今二次受廓爾喀降。合爲十。其內地之三叛么。磨。弗

屑數也。

平準噶爾者二。乙亥年。以達瓦齊篡奪。請部瓦解。朕因其部落接連內屬。乘機致討。以成。

前志。未半載。遂

俘達瓦齊。不意阿睦爾撒納潛逃。欲占伊犁。於是復命進剿。逆

賊竄入俄羅斯。以患痘身斃。俄羅斯傳送其屍。伊犁遂平。定回

部者一。當大兵西伐時。逆回小和卓木。背恩反叛。因命兆惠等

統兵追剿。傳檄拔達克山縛賊。於是其弟兄大小和卓木一擒

一斃。掃金川者二。先是金川安雜奔措。戮鄰番。戊辰歲。命傅恒

厚集諸路官兵。將擒其中堅。而逆酋稽首請降。至壬辰。兩金川

聯結作亂。命阿桂統師進剿。至丙申。遂平其全境。靖臺灣者一。

丁未。逆民林爽。文。郭大田。創立天地會名目。煽誘匪徒。謀爲不

軌。命福康。安。海。蘭。察。等統兵過海。將二逆悉行擒獲。就誅。降緬

甸者一。以緬匪侵擾邊境。命傅恒爲經畧。前往屢破賊壘。而彼

卽詣營請降。因而罷師。至戊申。其國長孟隕奉表入貢。乞恕前  
罪。遂允其請。降安南者一。初黎維禰爲阮光平所侵。命孫士毅  
統兵爲之克復。黎城復封黎維禰爲王。乃阮光平再至。而黎維  
禰卽棄國奔內地。更命福康安前往勦除。而阮光平備陳情事。  
再四籲懇乞降。並請於庚戌年親來瞻覲祝釐。朕旣先有  
天厭黎氏之語。而安南又無人可付。亦卽允其歸降。凡此八次  
用兵。皆非得已。而俱荷天佑成功。今並此廓爾喀兩次降  
順。蓋已十蕘大功。我武旣揚。實屬厚幸。至於誅王倫。翦蘇四十  
三。滅田五。三事。則係內地亂民。旋即前已西廓爾喀之降。蓋因  
討平弗鄰其事。茲故不列於武功云。前已西廓爾喀之降。蓋因  
彼擾藏邊界。發偏師以問罪。而所遣鄂輝等未宣我武。巴忠乃  
遷就完事。致彼弗懼。而去歲復來。以致大掠後藏。飽欲而歸。使  
長此以往。彼將占藏地。嚇衆番。全蜀無寧歲矣。戊申歲廓爾喀  
滋事之始。命鄂  
輝。成德統率勁旅往勦。彼時因巴忠素曉唐古特語。令往會同  
籌辦。詎意巴忠諸事擅專。竟與噶布倫丹津珠爾等私同沙

瑪爾巴定議。每歲令藏中許給廓爾喀元寶三百個。退還侵地。並立大小合同二紙。鄂輝成德爲其所愚。隨同附和。未曾示以兵威。是以廓爾喀去歲復敢侵擾。既將丹津班珠爾等裹去。爲質。並搶掠札什倫布廟財物。披猖已極。不得不命將興師聲罪。致討。且廓爾喀年來侵佔附近部落。兼并巴勒布三部。與後藏之聶拉木濟龍宗喀等處毗連。不大加懲創。必至搶佔前後藏地。蜀中打箭爐一。是以罪庸臣。選名將。勵衆軍。籌儲餉。去秋於帶將無寧歲矣。場中。聞廓爾喀復來侵擾之信。朕謂不過與唐古特因錢債起釁。初未有發兵之意。而巴忠一聞此事。旋即自戕。始疑此事必有弊端。諭令鄂輝查奏。始知有許銀贖地之事。駐藏大臣。俾習渾。當廓爾喀搶掠之時。既不帶兵剿殺。又欲將班禪額爾德尼及達賴喇嘛。移駐秦寧等處。幸而達賴喇嘛未從其言。是竟欲委棄藏地。本應卽行正法。念其父那木札爾曾經陣亡。從寬令於藏地枷責。雅滿泰同係駐藏大臣。俾習渾之奏。竟與聯銜。因令一併枷責。以示嚴懲。旋念事關重大。福康安謀勇素著。足堪倚任。因命同海蘭察等。率領巴圖魯侍衛章京及索倫屯練兵丁。前往大張撻伐。福康安自標木進兵之後。連次克捷。隨時褒

賞軍糧軍械尤爲緊要去冬卽命孫士毅馳往籌辦今春更命和琳馳抵藏中辦理其濟龍以外令惠齡往來專司稽運數月以來宵旰籌謀實福康安等深感朕恩弗辭勞苦於去歲冬月未嘗一刻置懷也卽率索倫四川降番等精兵次第由西寧冒雪而進今歲五月遂臨賊境收復藏邊攻克賊疆履線險如平地渡溜要若蹄涔繞上襲下埋根批吭手足胼胝有所弗恤七戰七勝賊人喪膽福康安等到藏於今歲閏四月廿七日自第哩浪古帶兵起程五月初六日至擦木地方卽乘陰雨連夜發兵分隊進討海蘭察等由正路直攻賊寨福康安督率官兵攻克礮座賊人卽已驚怖初八日行抵瑪噶爾轄爾甲地方峭壁深林內藏賊匪三百餘名官兵擊殺數十名福康安又派兵埋伏半山故留一路誘賊上山及山半帶兵橫衝賊衆奔竄直追至邦杏地方沿途勦殺無算初九日直抵濟龍官寨分遣兵丁攻撲使賊人處處受敵不能相顧初十日丑刻同時並進搶上東南山梁攻得喇

麻寺屯聚賊匪。又將石砌砌座立時焚燬。官兵等冒雨攻圍。賊  
戮賊衆殆盡。亥刻遂攻破官寨。藏地全復。十五日。至熱索橋。過  
此卽屬賊境。福康安等一面遣兵。由上游峩緣山下。紮筏徑渡。  
直撲賊卡。而正路官兵。乘勝搭橋。一時並濟。將士無不人奮  
勇。痛加勦殺。十七日。復行前進。深入賊境。一百六十七里。地名  
協布魯。該處常路有橫河一道。水深溜急。而橋座賊已折毀。福  
康安等於二十三日。帶兵繞至橫河上游。借接枯樹搭橋。賊兵  
鎗聲不絕。因於日暮大雨時。佯令各兵撤退。至夜半。賊匪回寨。  
趕緊接縛大木過河。分爲三路。於二十四日。黎明。併力壓下。  
行至足木古拉巴載山梁山下。有橫河一道。對面大山。卽係東覺  
福康安與海蘭察分爲兩路。福康安探得上游。嚙多普山上樹  
木茂密。可以藏身。因繞行於六月初六日。下至山麓。見水渡河。  
官兵奮勇勦殺。將近河砌卡木城。盡行奪據。而海蘭察亦連日  
潛伏。冒雨步行。初六日黎明。徑登博爾東拉山巔。繞至賊卡之  
上。將木城石卡。全行拆毀。旋與福康安會合一處。併力追勦。於  
初九日至雍鴉地方。因官兵等冒險登陟。辛勤已甚。暫令休息。  
而賊酋遣人乞降。經福康安嚴行駁飭。惟是該處大山層疊。而

惟補木與甲爾古拉兩山之間。又有橫河一道。福康安等將官兵分爲數隊。左一路由橫河上游繞道進攻。右一路由帕朗古攻橋進撲。甲爾古拉賊匪排鎗連環不斷。我兵乘勢競進。奪橋。橋座。勦殺更倍於前。計自擦木邦杏濟隴熱索橋協布魯東覺。帕朗古前後凡七戰。皆獲全勝。共殺賊目二十餘名。賊匪三四千名。生擒二百餘名。雖山徑險仄。河湍湍急。福康安等鼓勇直前。如履平地。如渡蹄涔。賊勢甚爲窮蹙。前已屢遣頭人。詣營納款。至此次益加震讐。哀懇乞降。無不惟命是從矣。及兵

臨陽布。賊遂屢遣頭人。匍匐乞降。將軍所檄事件。無不謹從而

獨不敢身詣軍營。蓋彼去歲曾誘藏之噶布倫丹津班珠爾等

前去。故不敢出也。

賊人經官兵屢戰屢勝之後。其力實不能支。卑辭乞命。心膽俱落。凡福康安等檄諭之。事

無不一一遵奉。先將裹去之噶布倫丹津班珠爾等送出。繼又將上冬搶去札什倫布廟之金銀器皿。悉數繳還。並沙瑪爾巴骨殖。及前私立合同二張。亦俱呈出。不敢再提唐古特錢債一事。且言從前爲沙瑪爾巴所唆。實已悔之無及。惟乞大皇帝憐

側全部生靈。網開一面。其畏懼情形。似屬真誠。其賊酋拉特納巴都爾。與其叔巴都爾薩野。不敢親自來營。自謂從前誘裏噶布倫等一事。罪惡已極。懼干擒戮。故不敢出。此亦真情。無怪其然也。我武旣揚。必期掃穴犁庭。不遺一介。亦非體。

上天好生之意。即使盡得其地。而西藏邊外。又數千里之遙。所謂不可耕而守者。亦將付之他人。乃降旨允降班師。以蕲斯事。昔唐太宗策頡利曰。示之必克。其和乃固。廓爾喀非頡利之比。番邊殊長安之近。彼且乞命。顧恩準之不暇。又安敢言和平。然今日之宣兵威。使賊固意求降歸順。實與唐太宗之論有所符合。昔予記土爾扈特之事於歸降歸順。已悉言之。若今廓爾喀之



謝罪乞命。歸降歸順。蓋並有焉。以其悔過誠而獻地切也。向著土爾

應特歸順。記云。始道命而終徕服。謂之歸降。弗加征而自臣屬。謂之歸順。言土爾扈特之投誠。乃歸順。非歸降也。若今之廓爾喀。畏威悔罪。雖屬歸降。然其悔罪之意。極爲真摯。並請定期五年一貢。永遵約束。又將邊外札木地方。獻歸西藏。是則誠心嚮化。不但歸降。廼知守中國者。不可徒言偃武修文。以自示弱也。而且歸順矣。彼偃武修文之不已。必致棄其故有而不能守。是亦不可不知耳。知進知退。易有明言。予實服膺弗敢忘。而每於用武之際。更切深思。定於志以合乎道。幸而五十七年之間。十全武功。豈非

天貺然

天貺逾深。予懼益切。不敢言感。惟恐難承。兢兢惶惶。以俟

天眷爲歸政全人。夫復何言。

乾隆壬子季秋御筆。

聖二。八徵耄念之寶。

自強不息。

職思祈佑。

聖一。

八徵耄念之寶。

十全老人之寶說。

十全記旣成。因選和闐玉鐫十全老人之寶。並爲說曰。十全本以紀武功。而十全老人之寶。則不啻此也。何言之。武功不過爲君之一事。幸賴

天佑。訪劬蔽局。未加一賦。而賦乃蠲四。弗勞一民。而民收無萬。

今

伊犁及回疆戶口豈止數千萬。祇或免窮黷之譏耳。若夫老人之十全。則尙未

全也。蓋君人之職。豈止武功一事哉。朱子曰。一日立乎其位。則一日業乎其官。一日不得乎其官。則一日不敢立乎其位。官者何。職之謂也。君之職。不能盡言。况敢云盡其職乎。未盡其職。則十全老人之寶。不亦涉自欺與誇而增慚愧乎。然老人之十全。實更有奢望。不敢必。以敬待。

天佑者。十全之武功。誠明。

天佑矣。則十全之盡君職。或亦可以希。

天佑乎。夫適百里者。半九十里。予今三年歸政之全人。不啻半九十。而且如三十年之久矣。是以逮七十而繫。猶日孜孜以爲箴。

至八十而繫自疆不息以爲勉則此可必不可必三年中敢不益勵宵衣旰食之勤益切敬

天愛民之念虔俟

昊貺或允臻十全之境視三年誠如三十年之遠幸何如之企何

如之惕何如之是爲說乾隆癸丑仲春月中澣御筆

聖二  
八徵

耄念之寶 自疆不息

九老會詩

徵會昌之盛事祝

蓬會頌叶作朋繼辛巳之鴻儀增美仍序偕尙齒茲屆

慈闈八旬萬壽。復得香山九老三班。秩文武之崇階。領以宗藩。鑠列林泉之耆碩。遂其嘉會逍遙。合廿七人之歲月。多多積榮而

延洪若劬。卜萬億年之

升恒永永。依旬而紀。瑞如環。

累洽重熙。欣符

景運。載廣作繪。具有成規。用倡長言。更期遞舉。

九老三班前例曾十年一舉

介釐增

八旬慶溯

七旬典辛卯祥開辛丑徵盱食宵衣猶此佑。右二王。七文臣。共六百八十八歲。啟

疆拓宇底須能。右武臣九人。共六百八十五歲。優遊林下同來賀。右致仕九人。共七百二十

九歲

萬壽稱觴合作朋。乾隆三十六年歲在辛卯長至月御筆。聖

惟精惟一。乾隆宸翰。

千叟宴恭依

皇祖原韻

抽秘無須更騁妍。惟將實事紀耆筵。追思侍陞髫垂日。皇祖於壬

寅歲舉行千叟宴。實從古未有之曠典。維時與宴王大臣。命諸皇子賜觴以示慈惠。至年未及歲之皇子皇孫。並

命侍立觀禮。余時年甫十二。躬逢嘉會。親見訝至當軒

耆筵慶錫。龍光燕譽之隆。閱今乙巳。凡六十四年矣。訝至當軒

手賜年。今歲乙巳。朕御極五十年。恭依皇祖盛典。於新正

上。皆召至御筵前。手賜之觴。以昭天恩。國慶。酬酢一堂之盛。君酢臣醕九重會。

### 天恩國慶萬春延。

祖孫兩舉千叟宴。史策饒他莫並肩。乾隆五十年。歲次乙巳新

正月上澣御筆。

入崖口

崖口平從舊路入。去年遇潦偶然思。情當曲體惟茲衆。知不可

違者是時。去年入崖口。偶緣潦水盛漲。雖扈從人等俱王大營

隙。講武時不可違。而家法昭及老仍應塵武詰。柔遐兼以

沛恩施。予雖年居八旬。而精力尚健。不敢以詰武為勞。矧蒙古

之千二百人。俱有賞賜。是柔遐之中。兼寓恩施。法制誠為美善。秋雲朗霽。山原廓。猶典前年正

若斯。

蒙古王公等進宴即席得句

塞嶺秋暄紅間去聲綠。諸藩備宴効尊親。穹廬進酒重孫壻。席間

者喀爾沁王曼珠巴匝爾乃皇次孫綿恩之壻則予之重孫壻也詐馬臨場卅次人。每年塞宴

設詐馬什榜相撲教馳四事。以表敬。左右顧憐鮮等輩。憶自乾隆

候覽。乾隆六年至今歲已四十次矣。左右顧憐鮮等輩。隆辛酉



行園木蘭爾時扈從者科爾沁親王羅卜藏浚布喀爾喀親王  
成滾札卜喀爾沁郡王依達穆札卜巴林郡王琳親放漢貝勒  
以後藏等皆皇祖之孫行與朕等輩年亦相齒自二十年  
支持幸尙有精神天花示喜霏微落那學維摩不著身

巴顏和樂行園作巴顏蒙古謂富和樂謂溝俗卽謂巴顏溝

秋獮誠欣物資紅蒙古謂紅色爲物資所獲獸多則稱阿巴物資巴巴顏果不負名崇

伏飛虎一鎗真壯命中鹿三矢未空是日射中三鹿將至八旬猶策馬

迴思昔歲送歸鴻及能欲畢爲君職

中祀躬親此意同夙願致政以前恭遇中祀例應遣官者欲於一二年郊廟大祀歲

內皆親祭一周以盡負辰抱蜀之職今春躬祀歷代帝王廟  
詩曾識此意若木蘭行園乃恪遵家法已四十巡於茲矣

初御皇極殿開千叟宴用乙巳年恭依

皇祖元韻

歸禪人應詞罷妍。新正肇慶合開筵。便因皇極初臨日。

朕於丙申年豫

營寧壽宮爲歸政後頤居之所。皇極殿卽寧壽宮前殿也。落成以來已閱二十年。尙未臨御。茲旣紀元周甲。幸符初願。元正授聖子皇帝大典禮成。敷天慶洽。因諏吉初四日御此殿。復照五十年新正乾清宮千叟宴之例。再舉耆筵。一時貽壽益階。嚮呼拜舞。洵爲曠古未有之吉祥盛事。重舉乾清舊宴年。教孝教忠惟一篤。曰今日

昨又旬延敬

天勤政仍勗子。敢謂從茲卽歇肩。乾隆六十一年歲次丙辰新

正月上澣御筆。

聖二。八徵耄念之寶。自彊不息。

君職詰戎率歲爲

擬八旬後可弗乘騎今歲仍必躬行秋獮亦猶一二年內願於中祀皆親祭一周以盡

君職之意詳見前巴顏和樂行圍卽事詩注

出崖口合御車宜明秋禁苑開八慶後

歲山莊望九期

明秋八旬慶典固當於京城御殿受賀後歲至山莊避暑則年已望九理應節勞罷乘騎矣

未致政寧當自逸擬臨觀敬效

前規

子年十二侍

皇祖行圍維時詢之

御前諸臣知

中不減昔時仰邀

天眷更加優厚後歲卽不欲乘騎然秋

彌令典我朝家法所貽予未致政以前不敢自逸屆時仍擬

率皇子及孫曾元輩進木蘭令皇子等行圍予於看城臨觀或

坐而引弓射獸倣效

前規是亦伊古所無之盛事惟待

天恩佑

能如是否心誠願虔待

璽二古稀天子之寶

乾隆己酉九秋御筆

卽數日以來。圍場命中。頗不覺勞。然八旬後。理宜節勞。顧養。擬弗策馬。而今歲仍必舉行者。及茲身體尚健。亦猶中祀親祭一周之意耳。

看城賜食有作用。前巴顏和樂行圍卽事韻。

收圍之處。謂之看城。亦曰等城。等待

圍之至也。

停蹕看城曉日紅。賜餐初弗論卑崇。隨均藩部願都愜。果普羽

林腹不空。

每在看城傳膳之日。親視調和湯飯。並煮羊炙。鹿以賜御前大臣侍衛。及扈圍之蒙古王公台吉侍衛等。

無不懽稱果腹。

家野淹寒羊與鹿。

羊淹雞寒用鹽鐵論。

酸醎調劑雁和鴻。好行小

惠漫生議。養聖大烹意或同。

出崖口作

皇上御製詩

庚戌舟中作

甲辰下江浙。淮浦放行舟。問景平山嶼。觀潮揚子樓。萍踪暫  
栖息。駒影幾春秋。又趁飄檣力。重爲挂席遊。汶水春流穩。  
揚帆錦浪中。疾徐豈人力。順逆任天風。岸柳臨窗綠。汀桃映  
纜紅。津門問新景。海月正高空。西望蜀山湖。茫茫若具區。  
波清浮碧藻。天遠接平蕪。沃壤連齊魯。孤蓬憶越吳。遊期又  
將半。歸棹紀舟途。皇十五子